

**დოქტორანტურის ერთი პოზიცია პოლიტოლოგიის სამეცნიერო მიმართულებით  
- კონკურსი აპლიკანტებისთვის**

**„სტრუქტურული განათლება - ხარისხის უზრუნველყოფა - აზროვნების თავისუფლება“**

**ლემან-ჰაუპტის საერთაშორისო სადოქტორო სკოლა**

**I. კონკურსის გამოცხადება**

ილიას სახელმწიფო უნივერსიტეტისა და გეორგ-აუგუსტის სახელობის გიოტინგენის უნივერსიტეტის საერთო პროექტი აძლევს სხვადასხვა სამეცნიერო სფეროს წარმომადგენელ დოქტორანტებს შესაძლებლობას შეასრულონ სადოქტორო ნაშრომი კოტუტელის პრინციპზე დაფუძნებული მოდელით. დოქტორანტურის საფეხურის სტუდენტები შეასრულებენ სასწავლო კომპონენტებს (კურსები, სემინარები, ტრენინგები და ა.შ.) და იმუშავენ ორი პროფესორის ხელმძღვანელობით ილიას სახელმწიფო უნივერსიტეტსა (თბილისი, საქართველო) და გიოტინგენის უნივერსიტეტში (გიოტინგენი, გერმანია) (საკვლევი პერიოდი გიოტინგენის უნივერსიტეტში სულ 12 თვეს მოიცავს). ერთობლივი სადოქტორო პროგრამა უზრუნველყოფს დისციპლინური და ტრანსდისციპლინური უნარ-ჩვევების გამომუშავებას და დოქტორანტის კვლევის ხელმძღვანელობას ორივე უნივერსიტეტიდან წარმოდგენილი თითო პროფესორის მიერ, რომლებიც რელევანტური კვლევის სფეროში გამორჩეული ექსპერტები არიან. სადოქტორო საფეხურის წარმატებით დასრულების შემდეგ დოქტორანტს მიენიჭება სადოქტორო ხარისხი ორივე უნივერსიტეტიდან, ერთი სადისერტაციო ნაშრომის საფუძველზე. **ცხადდება ერთი სტიპენდია პოლიტოლოგიის სამეცნიერო მიმართულებისთვის.** ფოლკსვაგენის ფონდი და შოთა რუსთაველის საქართველოს ეროვნული სამეცნიერო ფონდი უზრუნველყოფენ პროგრამის ფინანსურ მხარდაჭერას და პროექტის მონაწილე მიიღებს სრულ დაფინანსებას (ყოველთვიური სტიპენდია 500 ევროს ოდენობით, მაქსიმუმ 2021 წლის დეკემბრის ჩათვლით). ასევე შესაძლებელია ანაზღაურდეს კვლევასთან დაკავშირებული სხვა ხარჯები, მათ შორის სავალე კვლევები და კონფერენციებში მონაწილეობა.

**II. სამეცნიერო მიმართულება და შემოთავაზებული საკვლევი თემები**

**ცხადდება ერთი სტიპენდია პოლიტოლოგიის სამეცნიერო მიმართულებისთვის.**

**შემოთავაზებული საკვლევი თემებია:**

- საპარლამენტო სისტემის(ების) განვითარება
- პოლიტიკური პარტიების წარმოშობა და განვითარება
- საარჩევნო სისტემის(ების) განვითარება და შედეგები
- დემოკრატიის კონცეპცია

ხელმძღვანელები არიან პროფ. დავით აფრასიძე (ილიას სახელმწიფო უნივერსიტეტი) და პროფ. ალექსანდერ ტილე (გიოტინგენის უნივერსიტეტი).

შესაბამისი სადოქტორო პროგრამა ილიას სახელმწიფო უნივერსიტეტში არის სოციალური და ჰუმანიტარული მეცნიერებების ინტერდისციპლინური სადოქტორო პროგრამა.

### III. კონკურსში მონაწილეობის წინაპირობები

იმისათვის, რომ დაშვებულ იქნას კონკურსზე, აპლიკანტი უნდა აკმაყოფილებდეს შემდეგ კრიტერიუმებს:

- მაგისტრის ხარისხი (უმჯობესია პოლიტოლოგიაში ან მომიჯნავე სფეროში) ან მაგისტრთან გათანაბრებული აკადემიური ხარისხი, რომელიც იმ ქვეყანაში, სადაც ეს ხარისხია მიანიჭებული, სადოქტორო სწავლების უფლებას იძლევა;
- ინგლისური ენის ფლობა უცხო ენების ცოდნის საერთო ევროპული ჩარჩოს (CEFR) მიხედვით მინიმუმ B2 დონეზე და ინგლისურ ენაზე სადოქტორო საფეხურზე სწავლისა და ნაშრომის დაწერის უნარი;
- თუ აპლიკანტი უკვე არის დოქტორანტურის საფეხურის სტუდენტი და მისი ამჟამინდელი საკვლევი თემა ემთხვევა ზემოთ ხსენებული პროგრამის ფარგლებში შემოთავაზებული საკვლევი თემებიდან მის მიერ არჩეულ თემას. ამ შემთხვევაში მას შეუძლია კონკურსში მონაწილეობა მხოლოდ იმ შემთხვევაში, თუ აპლიკაციის გამოგზავნის თარიღისთვის მისი უკვე დაწყებული სადოქტორო საფეხურის ხანგრძლივობა არ აღემატება ერთ წელს.
- **სრული დროის დათმობა:** ერთობლივი სადოქტორო პროგრამის მონაწილეებმა თავიანთი სრული სამუშაო დრო უნდა დაუთმონ სადოქტორო პროექტს. სტიპენდიის სანაცვლოდ მონაწილეებისგან მოითხოვება უარის თქმა სადოქტორო პროექტის პარალელურად სხვა დამატებითი არაკადემიური დასაქმების შესაძლებლობებზე.

კონკურსის ფარგლებში, სოციალურ-ეკონომიკური ან/და ჯანმრთელობის პრობლემის მქონე კანდიდატების მიერ კონკურსში მონაწილეობის მიღება განსაკუთრებით სასურველია და ერთნაირი კვალიფიკაციის, ცოდნის და უნარ-ჩვევების შემთხვევაში, შერჩევის პროცესში მათ მიენიჭებათ შედარებითი უპირატესობა.

ლემან-ჰაუპტის საერთაშორისო სადოქტორო სკოლა უზრუნველყოფს მონაწილეთათვის თანაბარ შესაძლებლობებს და მათ ჩართულობას, მიუხედავად სქესის, ასაკის, სექსუალური ორიენტაციის, რელიგიის თუ იდეოლოგიის, შეზღუდული შესაძლებლობის თუ ქრონიკული დაავადების, ეთნიკური და სოციალური წარმომავლობისა. ზემოთ ნათქვამი მიზნად ისახავს წაახალისოს მოწყვლადი ჯგუფები და სპეციალური საჭიროების მქონე პირები. ილიას სახელმწიფო უნივერსიტეტი და გეორგ-ავგუსტის გიოტინგენის უნივერსიტეტი აღიარებენ, რომ ფაკულტეტების ყველა წევრი და თანამშრომლები ისევე, როგორც სტუდენტები, საჭიროებენ ისეთ გარემოს, სადაც ისინი პატივცემულნი და დაფასებულნი იქნებიან და შეძლებენ ეფექტურად სწავლასა და მუშაობას. ეს ეხება ყველას, დამოუკიდებლად მათი ასაკისა, შეზღუდული შესაძლებლობისა, გენდერის, სექსუალური ორიენტაციის თუ იდენტობის, ოჯახური თუ სამოქალაქო მდგომარეობისა, ორსულობის, ეთნიკური წარმომავლობის, რელიგიისა და რწმენისა.

#### IV. განაცხადის წარდგენა და ვადები

- განაცხადი წარმოდგენილი უნდა იყოს ინგლისურ ენაზე. ყველა დოკუმენტი, რომელიც გაცემულია ინგლისურის გარდა სხვა ენაზე, წარმოდგენილი უნდა იყოს ნოტარიულად დამოწმებულ ინგლისურ თარგმანთან ერთად.
- განაცხადი წარმოდგენილი უნდა იყოს ელ-ფოსტაზე: [doctoralschool@iliauni.edu.ge](mailto:doctoralschool@iliauni.edu.ge) კონკურსის ვადის დასრულებამდე. გთხოვთ წერილის სათაურში მიუთითოთ „Political Science“.
- საკონკურსო დოკუმენტაცია (იხ. ქვემოთ VI.) უნდა დასკანირდეს, გაერთიანდეს და აიტვირთოს PDF ფორმატში (მიიღება მხოლოდ ერთი დანართის სახით!). სხვა ფორმატის ფაილები არ განიხილება.
- განაცხადის წარდგენის ბოლო ვადაა **2019 წლის 31 იანვარი, 6:00 p.m.** საქართველოს დროით (GET).

გთხოვთ გაითვალისწინოთ, რომ განიხილება მხოლოდ სრულყოფილი და კონკურსის ვადებში მიღებული განაცხადები.

#### V. შერჩევის პროცედურები

##### 1. წინაშესარჩევი ეტაპი

მომავალი ხელმძღვანელების მიერ (ორივე უნივერსიტეტიდან) შეფასდება მხოლოდ სრულყოფილი განაცხადები, რომლებიც აკმაყოფილებენ ყველა ფორმალურ კრიტერიუმს. წინაშესარჩევი ეტაპი ეყრდნობა მხოლოდ წარმოდგენილ სააპლიკაციო დოკუმენტაციას. წინაშესარჩევი ეტაპის დასრულების შესახებ ყველა კანდიდატი მიიღებს ინფორმაციას ელ-ფოსტის საშუალებით. შემდეგ ეტაპზე გადასული კანდიდატები მიიღებენ მოწვევას გასაუბრებაზე მომავალ ხელმძღვანელებთან. მოწვევის მიღების შემდეგ კანდიდატებმა უნდა დაადასტურონ, რომ შეუძლიათ გასაუბრებაზე დასწრება.

##### 2. გასაუბრებები

შემდეგი ეტაპი შედგება წინაშესარჩევი ეტაპზე შერჩეულ კანდიდატებთან პერსონალური ინტერვიუსგან. გასაუბრებები გაიმართება მომავალ ხელმძღვანელებთან პერსონალურად ან/და Skype-ის საშუალებით. გასაუბრებები სავარაუდოდ ჩატარდება 2019 წლის 11 თებერვალს.

##### 3. საბოლოო შერჩევა

გასაუბრებების შედეგად ორივე ხელმძღვანელი შეარჩევს პროგრამაში მონაწილე დოქტორანტს. შედეგები გამოქვეყნდება ილიას სახელმწიფო უნივერსიტეტის ვებგვერდზე 2019 წლის თებერვალში.

##### 4. დოქტორანტურაში მიღება

მას შემდეგ რაც კანდიდატი დაადასტურებს მიღებულ შემოთავაზებას, დაიწყება ჩარიცხვის პროცედურა ილიას სახელმწიფო უნივერსიტეტის შესაბამის სადოქტორო პროგრამაზე\*.

\*იმ შემთხვევაში, თუ წარმოდგენილი იქნება უცხოური (არაქართული) საგანმანათლებლო დოკუმენტაცია: გთხოვთ გაითვალისწინოთ, რომ ილიას სახელმწიფო უნივერსიტეტში სადოქტორო პროგრამაში/სკოლებში ჩარიცხვა დამოკიდებულია რელევანტური აკადემიური ხარისხისა და მათი დანართების (ნიშნების ფურცელი, შეფასების სქემები და ა.შ.) აღიარებაზე საქართველოს განათლების ხარისხის განვითარების ეროვნული ცენტრის მიერ! მიღება ვერ განხორციელდება თუ ნებისმიერი მიზეზის გამო სერტიფიკატები და მათი დანართები არ იქნება აღიარებული განათლების ხარისხის განვითარების ეროვნული ცენტრის მიერ.

## VI. მოთხოვნილი დოკუმენტაცია

სრულყოფილი აპლიკაცია უნდა შედგებოდეს შემდეგი დოკუმენტებისაგან\*:

- შევსებული და ხელმოწერილი სააპლიკაციო ფორმულარი
- სამოტივაციო წერილი (მაქს. 2 გვერდი)
- საკვლევი გეგმა რომელიც განსაზღვრავს კვლევითი პროექტის კონცეპციას და აჩვენებს პროექტის მნიშვნელობას (10-15 გვერდი)
- CV
- პირადობის დამადასტურებელი მოწმობის/პასპორტის ასლი
- შესაბამისი აკადემიური ხარისხის სერტიფიკატის/დიპლომის და მისი დანართების (ნიშნების ფურცელი, შეფასების სქემა და ა.შ.) ასლები; თუ დოკუმენტი ინგლისურის გარდა სხვა ენაზეა გაცემული, ნოტარიულად დამოწმებული ინგლისური თარგმანის წარმოდგენა ასევე სავალდებულოა
- არსებობის შემთხვევაში: რელევანტური პუბლიკაციების აბსტრაქტები
- არსებობის შემთხვევაში: ინგლისური ენის ცოდნის არანაკლებ B2 დონის ფლობის დამადასტურებელი საერთაშორისო ვალიდური სერტიფიკატიდან ერთ-ერთი: TOEFL (P/BT მინიმუმ 513 points; I/BT მინიმუმ 65 points); IELTS (მინიმუმ 5.5 points); FCE ან შეფასებისა და გამოცდების ეროვნული ცენტრის მიერ გაცემული შესაბამისი ვალიდური სერტიფიკატი-Certus, რომელიც ადასტურებს კანდიდატის ინგლისური ენის კომპეტენციას პროგრამით გათვალისწინებულ მინიმუმ B2 დონეზე ან ინგლისურენოვანი საბაკალავრო ან სამაგისტრო პროგრამის დასრულების დამადასტურებელი დიპლომი.
  - o აპლიკანტები ვინც ვერ წარმოიდგინენ ზემოთ აღნიშნული სერტიფიკატებიდან ერთ-ერთს უნდა დაადასტურონ ინგლისური ენის B2 დონეზე ცოდნა ინგლისური ენის შიდასაუნივერსიტეტო გამოცდაზე. გამოცდის მინიმალური ბარიერია 65 ქულა 100-დან.
- პუბლიკაციების სიის წარდგენა ნებაყოფლობითია.

\*ყველა დოკუმენტი წარმოდგენილი უნდა იყოს ინგლისურ ენაზე. სხვა ენაზე გაცემული დოკუმენტები მხოლოდ იმ შემთხვევაში იქნება მიღებული, თუ ისინი წარმოდგენილი იქნება ნოტარიულად დამოწმებულ ინგლისურ თარგმანთან ერთად.